

200 CODEX MEDICAMENTARIUS

artem. Absoluta distillatione & refrigeratis vasis,
Sal volatile a Spiritu separatum servabis.

Nota Spiritum hunc ab aliis SPIRITUM SALIS
AMMONIACI VINOSUM, ab aliis DULCIFICA-
TUM nominari.

Sal volatile aromaticum.

R. Salis volatilis ammoniaci, uncias duas.

Mitte in curcubitam vitream. Affunde Olei es-
sentialis Lavandulæ, Succini, aut alterius cujuslibet
Aromatici, drachmam unam.

Sublime fiat igne arenæ secundum artem.

OLEA DISTILLATA
ESSENTIALIA, &c.

Oleum caryophyllorum.

R. Caryophyllorum contusorum, libram unam.

Aquæ ferventis, libras decem.

Mitte in vas idoneum coopertum. Digere in hy-
pocausto per aliquot dies. Distilla igne nudo ex ve-
fica suo refrigeratorio & receptraculo instructa. Re-
frigeratis vasis, Oleum ab aqua separa.

Simili modo elicies Olea Cinnamomi,

Macis,

Nucis Moschatæ,

Cubeborum,

Amomi,

Cardamomi,

Piperis,

Lignorum Rhodii,

Cedri,

Sassafras & similia.

Item Olea Absinthii,
 Majoranæ,
 Menthæ,
 Rorismarini,
 Rutæ,
 Sabinæ,
 Salviæ,
 Tanaceti,
 Thymi,
 Florum Lavandulæ,
 Arantiorum,
 Seminum Anisi,
 Anethi,
 Carvi,
 Cumini,
 Fœniculi,
 Baccarum Juniperi,
 Lauri,
 Corticum recentium Arantiorum,
 Citreorum,
 Arantiorum & Citreorum enascentium & im-
 maturorum.

Observandum primo plus minus alia aliis esse di-
 gerenda, & majori vel minori aquæ copia his vel
 illis opus esse.

2. Semina, Baccas & Ligna ante digestionem con-
 tundenda esse, vel scobina deradenda, longiorique
 tempore maceranda.

3. Cortices Fructuum recentium, nulla macera-
 tione indigere.

4. Plantas aromaticas ficas esse adhibendas.

Oleum guayaci,

Buxi.

Vide SPIRITUS ET OLEUM GUAYACI. p. 198.

N 5

OLEUM TEREBINTHINAE.

MASTICHES,

OLIBANI,

TACAMAHACAE,

Oleum GUMMI ELEMI,

AMMONIACI,

LABDANI,

MYRRHAE RECENTIS,

PICIS,

BENZOINI,

GALBANI.

Vide SPIRITUS ET OLEUM TEREBINTHINAE,
pag. 199.

Oleum succini,

GAGATIS.

Vide SPIRITUS, SAL VOLATILE ET OLEUM
SUCCINI, pag. 198.

Oleum ceræ.

Rx. Ceræ flavæ, uncias sex.

Arenæ siccae cribratæ, quantitatem sufficientem.

Liquefiat Cera in patella terrea: fluenti adde arenam. Remove ab igne, & continuo agita, donec refrigescat; ex hac materia nondum indurata formentur globuli, qui ex retorta vitrea loricata igne per gradus aucto distillantur. Prodibit primo phlegmatis & Spiritus pauxillum. Deinde Oleum butyraceum, quod ut fluidum fiat, arenæ aut calci vivæ admixtum iterum atque iterum distillabis. Ac tandem ex aqua si tenuius desideretur rectificabis.

Oleum tartari.

Vide SPIRITUS ET OLEUM TARTARI, p. 193.

Oleum de lateribus, seu oleum
philosophorum.

℞. Lateres confractos, quot volueris. Candefiant
& illico immergantur Oleo claro, statim vas coo-
periendo ne accendatur Oleum. Sinito donec re-
frigerint. Exemptos Lateres terito, indito Retor-
tæ loricatæ. Addito receptaculum capax, commif-
surisque obteratis, elcito Oleum igne reverberii,
profectum Oleum rectifica & serva.

Oleum myrrhæ per deliquium.

℞. Ova cocta ad duritiem & per medium secta.
Vitellis exemptis cava impleto myrrha tenuissime tri-
ta. Aemulas albuminum medietates coadunatas fi-
lo ligabis, & craticulæ lignæ super paropsidem im-
ponens. Stent in cella. Ex myrrha liquecente hu-
mor stillabit.

Oleum camphoræ.

℞. Camphoræ tritæ, uncias tres.

Mitte in matrarium. Affunde

Spiritus Nitri, uncias sex.

Vase rite obturato digere ad integram dissolutio-
nem. Liquorem oleosum supernatantem separa, &
habebis Oleum Camphoræ vulgo dictum.

B A L S A M A.

Balsamum Fioravanti.

℞. Terebinthinæ Venetæ, libram unam.

Baccarum recentium Lauri, uncias quatuor.

Gummi Elemi,

Tacamahacæ,

} ana unciam unam.